



**ILLOQARFIUP AVATAANUT  
PILERSAARUT NR. 1  
QOORNOQ**



**NUUP KOMMUNEA**

**TEKNIKKIMUT AVATANGIISINULLU INGERLATSIVIK**

**Maj 2001**

Ilitsersuut..... 2

## **NASSUIAAT**

Tunngavik ..... 3

Nunataata pilersaarusioneqaranut siunertaq ..... 3

Nunap tamassuma atorneqarnera aqunneqarneralu..... 3

Nunap pineqartup allaaserinera..... 4

• Oqaluttuassartaa allanngutsaalineralu ..... 4

• Qoornup pingaarnertut ilusaa ..... 4

• Illut sanaartukkallu pioreersut ..... 4

Pilersaarusionernut aallanut tunngasut ..... 5

• Nuna tamakkerlugu pilersaarut ..... 5

• Kommunitut pilersaarut..... 5

• Angallanneq..... 5

Sanaartukkat teknikkimut tunngasut ..... 5

Avatangiisinut tunngasut..... 5

Inatsisitigut sunniutit..... 5

Tamanut saqqummiunneqarnera ..... 6

## **AALAJANGERSAKKAT**

§ 1. Qoornup nunataata pilersaarusioneranut siunertaq ..... 7

§ 2. Qoornup nunataanut pilersaarusiap nunataa..... 7

§ 3. Nunap atorneqarnera ..... 7

§ 4. Aqqusinernut aqqusineeqqanullu tunngasut..... 8

§ 5. Sanaartukkat initussusaat sumiiffiilu..... 8

§ 6. Illuliat silataasa isukkui ..... 8

§ 7. Nunaminertat sanaatorfiunngitsut ..... 8

§ 8. Sanaartukkat teknikkimut tunngasut ..... 9

§ 9. Nutaamik sanaartukkat atorneqalernissaannut piumasaqaaatit ..... 9

§ 10. Pigninnittut peqatigiiffiat il. il ..... 9

Akuerissutigineqarnera ..... 10

## **ILANNGUSSAT**

Ilanngussaq 1, Qanganitsat eqqaaniutit ..... 11

Ilanngussaq 2, Qoornoq 1916..... 12

Ilanngussaq 3, Sanaatorfiit Illut sanaartukkallu ataatsimoorussat pioreersut ..... 13

Ilanngussaq 4, Nunaminertanik atuinissaq..... 14

Illoqarfiup avataanut pilersaarutip nunaminertat, sanaartukkat nutaat, aqqusineeqqat, aqquserngit il.il. sumiiffiup aalajangersimasup iluani qanoq atorneqarnissaat, inissinneqarnissaat ilusilersorneqarnissaallu aalajangersartarpaa.

Illoqarfiup avataanut pilersaarut nassuiaanertaqarlunilu aalajangersagartaqassaaq tassanilu najoqqutassiaasumik ilitsersuuteqarpoq.

Nassuiaammi pilersaarutip siunertaa anguniaagaalu, illoqarfiup avataanut pilersaarutip iluani avataanilu pissutsit pioreersut kiisalu pilersaarutitut allanut illoqarfiup avataanut pilersaarut qanoq inissisimanersoq naatsumik oqaluttuarineqarput. Illoqarfiup avataanut pilersaarummi aalajangersakkat pituttuisuupput.

Inatsisartut peqqussutaat nr. 6 19. december 1986-imeersoq, Inatsisartut peqqussutaanni nr. 1 18. juni 1987-imeersukkut allanngortinneqartoq, nunaminertamik atuinnermut tunngasoq aamma Nalunaarut nr. 23 18. november 1992-imeersoq, nunaminertamik atuineq pilersaarusiorterlu naapertorlugit Kommunalbestyrelse kommunimut pilersaarummi illoqarfiup nunaqarfiullu pilersaarutaasa akuerineqartut avataanni illoqarfiup avataanut nunaminertanut pilersaarusiortitsisinnaavoq.

Taamaattumik illoqarfiup avataanut pilersaarummut siunnersuut sivikinnerpaamik sap. ak. arfinilinni tamanut tusarliunneqaqqaassaaq. Tamatuma kingorna kommunip akertilissutaasinnaasut allannguutissatullu ilanngullugit naalakkersuisunut nassiutissavai.

Illoqarfiup avataanut pilersaarut atuutivissulersutut tamanut nalunaarutigineqannginnerani illoqarfiup avataanut pilersaarut Namminersornerullutik Oqartussanit akuerineqavissussaaq.

Illoqarfiup avataanut pilersaarutip inatsisitigut sunniutai illoqarfiup avataanut pilersaarummi erseqqinnerusumik eqqartorneqarput.

## NASSUIAAT

### Tunnngavik

Kommunalbestyrelsip siusinnerusukkut nunaqarfiusuimasup Qoornup eqqaata atorneqarnera sapinngisamik nunap maannamut pissusaatut ittuaannarnissaanik kisateqarnera tunnngavigalugu pilersaarutip matuma Qoornup eqqaata siunissami qanoq annertutigisumik sumullu atorneqarnissaa aalajangersaavigaa.



Qoornumi oqaluffik

Qoornoq siusinnerukkut nunaqarfiusimasoq maannakkut matuneqarnikuuvoq ullumikkullu sunngiffimmi siunertanut atorneqarluni. Nuummi atuarfiit aallaartarfiisa amerlanersaat Qoornumiippat aamma illut inunnit pigineqartut arlallit taqqamaniippat.

### Nunataata pilersaarusiorneqaranut siunertaq

Nunataanut pilersaarutip siunertaraa nunap tamassuma ajunnginnerpaamik atorluarneqarnissaa aammalu maannakkut taqqamani avatangiisit piujuarnissaasa qulakkeerneqarnissaa, matumani pineqarlutik nunaminertat, illut sanaartukkallu nunaqarfiusimasumut attuumassutillit piujuarnissaat tunnngavissaqartikkumallugu.

Qoornup nunataanut pilersaarutip nunap tamatuma taamaallaat sunngiffimmi asiartarfittut killigitinneqartut malillugit pinissaat qulakkiissavaa maannakkut ukioq naallugu najugarineqarsinnaaneranut inigineqarsinnaanerannulluunniit periarfisaanngitsumik.

Qoornup nunataanut pilersaarummi Qoornumi killilimmik sanaartorfissaqartitsivoq. Aamma maannakkut pisiniarfiup allineqarnissaa periarfissinneqarpoq immaqa nerisarfilerlugu, tuperfilerlugu nakkutillisoqanngitsumik imaassinnaavoq immaqa aamma illuni ataatsimoorussamik atukkani pioreersuni katersugaasiviliornissaq tassungaluunniit assingusumik.

Qoornup nunataanut pilersaarut aamma siunertaraa, nunaminertanik nakkutilliinerup kommunalbestyrelsimut tunniunneqarnissaa.

### Nunap tamassuma atorneqarnera aqunneqarneralu

Nunataanut pilersaarummi aamma aalajangersarneqarpoq nunap tamassuma taamaallaat sunngiffimmut tunnngasunut atorneqarnissaa, taamaasilluni nunap killeqarfiata iluani aalajangersimasumik najugaqartoqarsinnaaneranut periarfissiisanani.

Nuna tamanna Nuup Kommuneaniit aqunneqarpoq kisianni imermik, innaallagissamik, kuuffinnik eqqaveqarfinnulluunniit ataatsimoorussanik pilersitsisoqanngilaq aamma pilersitsisoqarnaviangilaq. Attavilersuutininik aserfallatsaaliineq kommunip sanaartukkatigut pigisaanut ikittuinnarnut taamaallaat atuutissaq.

Siunissami illunik sanaartukkanillu pilersitsinissat Kalaallit Nunaanni Sanaartornermi malittarisassat, nunaqarfinnut ikuallattoornissamat upalungaarsorsimanngitsunut atuuttut, atuupput. Nutaamik sanaartukat Nuup Kommuneani sanaartugassanut tunnngasunik suliarineqaaqartassapput.

Aasarsiortarfinnik nutaanik sananissamat nunaminertanik akuersissuteqarfigineqarnissamik qinnuteqaatit Nuup avataanut pilersaarutip tamanut tusarliunneqannginnerani kommunimit tiguneqarsimasut tunnngavigalugit killeqartinneqassapput.

## Nunap pineqartup allaaserinera

Qoornup nunataanut pilersaarummut qeqertaq Qoornoq ilaavoq tassanilu nunaminertat, illut sanaartukkallu tamarmik ilaapput.

### *Oqaluttuassartaa allanngutsaalineralu*

Qoornoq oqaluttuarisaanermi qangarsuarli es-kimuunit Qallunaatsiaanillu najugarineqartarsimavoq. Nationalmuseummip nunap assiutaani (bilag 3) takuneqarsinnaavoq qeqertami eskimooqarfiusimasut pingasut nalunaarsorneqarsimasut (9,10, aamma 11) ujaqqanik atortunik arlaqartunik ilallit aamma qallunaatsiaat illorsuarisimasat (13) kingusinnerusukkut eskimuut illui mikisut sananeqartarsimapput. Tamakku qanganitsat eriagisaapput.

1916-imi Qoornoq oqaluffiup kangiata tungaani sanaartorfiusimasuinnarmiissimagaluarpoq bilag 4-mi takuneqarsinnaasut. Kingusinnerusukkut taanna ikuallammat nunaqarfimmiut amerlanersaat qeqertap kitaata tungaanut nutsersimapput.

Nunaqarfiup pileruttorfigisimavaa Nuup Kangerlua 1950-ikkut aallartilaarneranniit 1960-ikkut naajartornerata tungaanut saarullineruttormat. Saarullinnut panertuusivissuaq B-278 tamatumalu eqqaani sanaartukkat allat taamanernisaapput. Qoornoq G60-ip eqqarsaasersuutaata malitsigisaanik 1972-imi inu-erutsitaavoq. Taamanikkut Qoornup nunaqarfiunera atorunnaarsinneqarpoq, tamatumalu nassatarisaanik attaveqateqarnermut atortulersuutai aserfallatsaalineqarunnaarput, kiisalu napparsimasunut ikuallattoornermul- lu upalungaarsimasuerulluni.

### *Qoornup pingaarnertut ilusaa*

Ullumikkut Qoornup nunataani sunngiffimmi /aasaanerani lu atorineqartartunik illoqarpoq atuarfiillu asiariarnerminni atortagaanik illoqarluni, taakku assigiikkuutaanik sanaartukkat allattornerini bilag 1-mi A-tut C-tut kiisalu nunatani sanaartorfineqartussaangitsuni D-tut taagorneqartuniipput. Nunatat aqquseeqqat pingaarnersaannik,

siullermik nunaqarfiup sumiiffigeqqaarisi- masaaniit oqaluffiup eqqaaniit aalisakkeri- viup illutaasa niuertarfiullu kujataata tun- gaanut imminnut attassuteqarput.

### *Illut sanaartukkallu pioreersut*

Illut pioreersut sanaartukkallu bilag 2-mi takuneqarsinnaasut makkunninga normoqar- lutik takuneqarsinnaapput.

1. B-172: Oqaluffik illuavoq kusanartu- mik isikkulik nutaanngitsoq. Maan- nakkut nakkutigineqanngilaq kisianni immikkut ittunik pisoqartillugu sul- atorineqartarpoq. Aserfallatsaalineq- qissaarpoq eriagisassaasinnaasutullu nalilernerqarsinnaalluni.
2. B-173: Toqusut inaat 1926-imi sanaa- juvoq oqaluffimmut atasoq.
3. B-1071: Siusinnerusukkut ujaqqanik sanaajusimavoq mannakkut toqqavia kisimi amiakkuuvoq.
4. B-120: Neqitsersuisarfik Qoornup pe- qatigiiffianit pigineqartoq. Illu taanna eriagineqartariaqartutut taaneqarpoq.
5. B-376: Niuertarfik Qoornup peqatigiif- fianit ingerlannilik.
6. B-121: aamma B-278: Saarullinnut panertuusivitoqqat marluk. Ullumikkut imaqqanngitsut kisianni eqqiluitsuutin- neqarlutillu torerssumik paarinillit. Il- lut illerngillu eriagineqartariaqartutut taaneqartariaqarput.
7. B-277: Atuarfiup Ukaliusap aallaarta- rfiutaa (U.S.K.)
8. B-1045: Atuarfik Samuel Klein- schmidt-ip (A.S.K.) aallaarta- rfiutai taakkununnga atasunik illunik mikine- rusunik ilallit.
9. B-1059: Meeqqat Illuata (M.I.) aallaar- tarfiutai.
10. B-1060 aamma B-1061: Kommunep ulluunerani paaqqinnittarfiutaasa aal- laarta- rfiutai.

11. B-1063: Seminariap (Ilinniarfissuaq) aallartarfiutaa.
12. B-3039: Grønlands Røde Korsip (G.R.K.) aallaartarfiutaa.
13. B-1075: Qatserisarfitoqaq.
14. B-654: Aalisartut piniartullu illuaraataat.
15. Angallatinik qaqitsisarfik.
16. Nuna qorsooqqissoq timersornermut ullorsiornernullu atorneqartartoq.
17. Qitiusumik iliveqarfik ungalusaq. Qeqertami sumiiffinni arlalinni siamma-sissunik ilivitoqaqarpoq.
18. ”Bamsip illua”, illuaraq qimataq tel-emit piginilik.
19. Qallunaatsiaat illukuat eskimuullu nu-naqarfikuat.
20. Nunalerinermi fixpunkti. Kalaallit Nunaata annersaani uuttortaanermi fix-punkt-itut atorneqartarpoq, maannak-kut eriagineqarnissaa siunertarlugu suliniuteqalersimavoq.
21. Tinittarfimmi ulittarfimmilu majuartar-filiaq nutaaq, umiarsuaaqqat talittarfi-gisimasatoqaannut taartigitinneqartoq.
22. Eqqakkanut ikuallaavik.

### **Pilersaarusionernut aallanut tunngasut**

#### *Nuna tamakkerlugu pilersaarusioneq*

Qoornup nunataanut pilersaarut Nunaminertat atorneqarnerat pilersaarusionerfigineqartarnerallu pillugit Namminersorerullutik Oqartussat nalunaarutaat nr. 23, 18. november 1992-meersoq § 22 aamma § 23 naapertorlugit suliaavoq.

#### *Kommunemut pilersaarut*

Nuup kommuneanut pilersaarummi 1993-2005-imi Qoornoq ”kommunemi asiartarfiit atorluarneqarnissaannut tunngaviliisuus-

saaq” –mi soqutigintartut toqqakkanut ilaavoq.

#### *Angallanneq*

Ullumikkut taqqamunga angalaneq angallammik tinnittarfimmi majuartarfimmut talit-tartumik pisarpoq imaluunniit helikopteri soqannginnersamat ullorsiornermi atorneqar-tumut mittartoq atorlugu pisarpoq.

Taqqamani nunami angalaneq aqqusineer-aliat atorlugit pisarpoq. Nunamut taqqa-munga motoorillit eqqunneqaqqusaanatillu atorneqaqqusaanngillat.

### **Sanaartukkat teknikkimut tunngasut**

Sarfamik pilersuineq nammineq generatorit pigineqartut atorlugit pisarpoq. Sarfaler-suutinik sanaartugaqanngilaq.

Ullumikkut imermik pilersuineq aasaanerinaani atorsinnaasumik ledningi aqqutigalugu pisarpoq.

Pissutsit tamakku piujuartinneqassapput.

Siunissami aasaanerani imermik pilersuineq piginnittut peqatigiiffiata susassarissavaa, kingusinnerukku takujumaarpat.

### **Avatangiisinut tunngasut**

Nuup Kommuneata eqqaani aasarsiortar-feqarfinni Nuup Kommuneata eqqakkanut malittarisassai 22. april 2002-meersut, atuupput malinneqassallutillu.

Generatorit ajoqutaasumik nipiliornerat nipikinnerulersinniarneqassaaq.

### **Inatsisitigut inaarutaasumik sunniutit**

Qoornup nunataanut pilersaarut Kommunalbestyrelsimiit Naalakkersuisuniillu inaarutaasumik akuersissutigineqareerpat nunaminertat, illut sanaartukkallu allat pilersaarummi ilaatinneqartut taamaallaat inaarutaasumik pilersaarutip imaanut naapertutumik atorneqarlutillu sanaartorneqassapput.

Pissutsilli aalajangersimasut atuutsillugit annikinnerusumik pingaarutillit immikkut pineqarnissaat pisinnaavoq. Pissutsit anner-

tunerusumik sunniuteqartussat Qoornumut pilersaarummik nutaamik aatsaat sanaqqaarluni pisinnaapput.

Aamma Qoornup nunataanut pilersaarummiittut nunaminertat, illut sanaartukkallu allat pineqartut pilersinneqarnissaat nassataqartinneqanngillat.

Maannakkut inatsisitigut inerteqqutaanngitsumik nunaminertat, illut sanaartukkallu allat atuuttut manna tikillugu pinermisut ingerlaannassapput. Tamanna ilaatigut ima isumaqarpoq maannakkut inatsisitigut inerteqqutaanngitsumik nunaminertat, illut sanaartukkallu allat atuuttut manna tikillugu pinermisut ingerlaannassasut akerlianilli sanaartukkat nutaat allatulluunniit atuilernerit Qoornup nunataanut pilersaarummik unioqqutitsisuussanngillat.

### **Tamanut saqqummiunneqarnera**

Qoornup nunataanut pilersaarut piffissami 23. august 2000-imiit 4. oktober 2000-iptungaanut tamanut tusarniaavigineqarpoq.

Tusarniaanerup nalaani uparuaanerit / oqaaseqaatit tallimat pissarsiarineqarput.

Kommunalbestyrelsip 26. februar 2001 Qoornup nunataanut pilersaarut nr. 1 oqaluuseraa uparuaanerit oqaaseqaatillu pissarsiarineqartut malillugit allannguuteqartillugu inaarutaasumik akueralugu.

\*\*\*\*\*

## **AALAJANGERSAKKAT**

Kommunalbestyrelsip matumuuna nunaminertat atorneqarnerat pilersaarusiernerlu pillugit Inatsisartut peqqussutaat nr. 6, 19. december 1986-meersoq kingusinnerusukkullu nunaminertat atorneqarnerat pilersaarusiernerlu pillugit Inatsisartut peqqussutaat nr. 1, 18. juni 1987-meersoq, aamma nunaminertat atorneqarnerat pilersaarusiernerlu pillugit Nalunaarutit nr. 23, 18. november 1992-meersutigut allangortinneqartoq naapertorlugu makku aalajangersaavigai.

### **§ 1 Qoornup nunataata pilersaarusierneranut siunertaq**

1.1 Qoornup nunataata pilersaarusierneranut siunertaq tassaavoq:

- asiartarfiunerata qulakkeerneqarnissaa,
- nunaminertanik nakkutilliineq kommunalbestyrelsimut tunniunneqassasoq,
- nunap tamassuma najugaqarfigineqartuarnissaata pinnginnissaata asiartarfitullu pineqarnissaa qulakkeerneqarnissaa,
- nutaamik sanaartukkat sannaasa isikui, ilusai eqqarsaatigalugit, atortorineqartut qalipaasersornerallu sanaartukkanut pioreersunut tulluurtunngortillugit pinissaasa qulakkeerneqarnissaat,
- nutaamik sanaartukkat bilag 4-mi taagorneqartutuut sanaartorfissani sanaartorneqarnissaat qulakkeerumallugu,
- nunaminertat sanaartukkallu allat atorneqarneranni aserfallatsaalineqarnerannilu akisussaaffimmik aalajangersaanissaq qulakkeerumallugu,
- qanganitsat allangortinneqannginnissaat qulakkeerumallugu.

### **§ 2 Qoornup nunataanut pilersaarusiap nunataa**

- 2.1 Qoornup nunataanut pilersaarusiaq qeqertami tamarmi atuuppoq.
- 2.2 Qoornup nunataanut pilersaarusiaq ima immikkoortukkuutaagaavoq (A) sunngiffimmi/ illuaqqat aasarsiortarfiit, (C) nunaminertat ataatsimoorussamik sanaartorfiit aamma (D) nunaminertat sanaartorfigeqqusaanngitsut immikkoortukkuutaarlugit makkununga immikkoortitat D1, D2, D3 aamma D4.

### **§ 3 Nunap atorneqarnera**

- 3.1 Tamaani nunami sumiluunniit avatangiisinut akornutaasumik nipiliortoqassanngilaq pujuliortoqassanngilaq, sajjupiluttoqaranilu.
- 3.2 A sunngiffimmi illunut/illuaqqat aasarsiortarfiit siammasissunut aamma aturfiit aallaartarfii pineqarput.
- 3.3 Nuna immikkoortoq C ataatsimoorusanut aamma assigiinngitsumik illunut atugassaavoq. Illut pioreersut inuussutissarsiornermut tunngasunut, niuertarfinnut, nerisarfinnut mikisunut, katersugaasivimmut akunnittarfinnut assigisaannullu.
- 3.4 Nunami immikkoortortat D1-imi taagorneqartut nunaminertaapput sanaartorfigeqqusaanngitsut.
- 3.5 Nuna immikkoortortaq D2 timer-sornermut ullorsiornermullu atorneqassapput.
- 3.6 Nuna immikkoortortaq D3 asiartarfitut tuperfittullu atorneqassaaq.
- 3.7 Nunami immikkoortortat D4 itsarnitsanut ilivittoqanullu eriagisanut atortut.
- 3.8 Tamaani susoqassanngilaq itsarnitsanut ilivittoqanullu tunngasumik aala-



jangersakkanut atuuttunut unioqqutit-sisumik.

**§ 4 Aqqusinernut aqqusineeqqanullu tunngasut**

4.1 Aqqusineeqqat pioreersut allanngortinenqassanngillat.

4.2 Nutaanik aqqusinniortoqaranilu aqqusineeraliortoqassanngilaq taakkunungaluunniit assingusunik sanaartortoqassanngilaq, Qoornup sunngiffimmi atornerarneranut pisariaqartutuut Kommunalbestyrelsimit isumaqarfigineqanngippat.

<sup>1</sup> Qanganitsanut eqqaassutissat imaluunniit perneqarsinnaanngitsut illullu eqqissisimatinnerarnerat pillugu Inatsisartut inatsisaat nr. 5 1980 16. oktober 1980-meersoq. kapitel 1 ff.

4.3 D4-mi eqqaani, aqqusineeraliortoqassanngilaq aqqusinniortoqaraniluunniit tamaani angallanermik annertunerulersitisisunuik.

**§ 5 Sanaartukkat initussusaat sumiiffiilu**

5.1 A-mi nutaanik sanaartorfissanik peqarpoq aamma bilag 4 malillugu toqqavinni pioreersuni sanaartorfissat 12-it ilaapput.

5.2 Nunaminertat toqqavineqartut nutaanik sanaartorfineqarunik illut illuaqqat ilanngullugit 40 m<sup>2</sup>-imit annerussanngillat.

5.3 Inissiat 1½-imik quleriittut portunerussanngillat tassa qaliai atornerqartut kældereqanngitsut aamma toqqaviata qummut killinganiit illup silataani qavata tungaanut uuttoorlugu 6-erimik portunerussanngillat.

5.4 Toqqaviit pisariaqanngitsumik portususeqassanngiilat. Toqqavik nunamiit uuttoorlugu pukkinerpaaffianiit 0,5 miiterimiit portunerussanngilaq.

5.5 Illunut ataasiakkaanut tunngatillugu qinnuteqaateqareernikkut quiliortoqarsinnaavoq 6 m<sup>2</sup>-itut atsigisumik. Qui illumut atasuussaaq illullu ilusaanut tuluartuussalluni. Pissutsini immikkut ituni taamaallaat illumut atanngitsunik illuaraliornissaq akuersissutigineqarsinnaavoq.

5.6 Illunut ataasiakkaanut atasunik aneersaartarfiliortoqarsinnaavoq anginerpaamik 12 m<sup>2</sup>-itut angissusilimmik.

5.7 Sanaartorfissani ataasiakkaani annikitsuinarmik qaartiterisoqarsinnaavoq, illut pitsaanerpaamik tulluernerpaamilu inissinneqassappata.

5.8 Illut pioreersut allilernerqassappata atsaat Nuup Kommuneata akuerisaanik tamanna pisinnaavoq.

5.9 Nunaminertami D-mi nutaanik illuortoqarsinnaanngilaq.

**§ 6 Illuliat silataasa isukkui**

6.1 Illuliat nutaat eqaani illut allat isikkui-nut tulluurtumik iluseqassapput, qaliaasa, qaliaasa uingarngi, atortut atornerqartut qalipaataallu tulluurtuussallutik.

6.2 Illut qaliaat 45°-itut 55°-itullu uingatigissapput. Pappialarsuarmik qerner-tumik qalligaassapput.

6.3 Silaataani igai qisuussapput.

6.4 Silataanni aneerasartarfiit, pujoorfiit, nukimmik seqinermiit tigooraasut allallu illumut atasut tamarmik isikkumut tamarmut ippinnaatilimmik isikkoqassanngillat.

**§ 7 Nunaminertat sanaartorfiunngitsut**

7.1 Atortulersuutinik nunap issikuanut allanngortitsisunik pilersitsisoqassanngilaq.

7.2 Nuna nalimmassaanikkut, qallersuinikkut assigisaannillu iliorluni allann-gortitserneqassanngilaq.

- 7.3 Nunaminertat soqannginnersat sanaartornermi atortulersuinermiluunniit sapinngisamik innarlerneqarnaveersaassapput. Naasoqarfiit innarlikkat iluarseqqinneqassapput.
- 7.4 Kommunalbestyrelsimiit immikkut akuersissuteqaqqaartoqartinnagu Qoornup nunataata iluani ungalulersuisoqassanngilaq.
- 7.5 Illumik piginnittup nammineq illup eqqaata eqqiluisaartinneqarnissaa torissuutinneqarnissaalu pisussaaffigaa.

### **§ 8 Sanaartukkat teknikkimut tunngasut**

- 8.1 Qoornup nunataanut pilersaarutip iluani tamarmi tamaani pilersuinermit teknikkikkut atortunik annikitsunik sanaartortoqarsinaavoq. Sanaartukkat tamakku sanaartukkanut allanut nunaminertanullu soqannginnersanut inisinneqassapput tamaani piorersut eqqarsaatigalugit mianeralugillu.
- 8.2 Imeq illup qaavaniit kuuttoq imaluunniit imeq minguttoq igitassaq, illup toqqaviata eqqaanut katersuussinnaajunnaarlugu alimasissumut nunamut kuuttinneqassaaq. Kuutsinnera illunut qanittumiittunut nunaminertanulluunniit soqannginnersanut akornutaanngitsumik pissaaq.
- 8.3 Anartarfiit imermik kuuginnartumik atortulikkat pilersinneqassanngillat.
- 8.4 Najugaqarfiit nutaat imaartakkanik ikuallanneqarsinnaasunik nunamullu naggorissaataasinnaasunik atortulinnik pilerneqassapput. Arsaqut piginnittup isumagisaanik piarneqassapput najugaqartunut allanut avatangiisinullu ajoqutaanngitsumik.
- 8.5 Illut pioreersut anartarfillit, piginnittup isumagisaanik anartarfii imaarneqartassapput najugaqatunut allanut avatangiisimullu ajoqutaanngitsumik.

- 8.6 Aasaanerani imermik pilersuineq ingerlatsinerlu ataatsimoorluni piginnittut peqatigiiffiata akisussaaffigaa § 10 naapertorlugu.
- 8.7 Generatorinik pilersitsineq quini sapinngisamik nipiliortitsinaveersaartumik pissaaq.
- 8.8 Generatorinik atuineq sapinngisamik sanilerisanut akornusersuinnginnerpaamik pissaaq. Piginnittut peqatigiiffiata taakkuninnga atuineq killilersuifigalugu aalajangersaasinnaavoq.

### **§ 9 Nutaamik sanaartukkat atorneqalernissaannut piumasaqaaatit**

- 9.1 Nutaamik sanaartukkat allilerinerillu tamarmik Nuup kommuneata sananeqarnissaat oqaluusereqqaassavaa.
- 9.2 Nutaamik sanaartukkat pioreersunillu allilerinerit tamarmik atorneqalersinnaanngillat atuinissamut akuersissumik peqqaartinnani imaluunniit nunaminertat soqannginnersat nunagissarneqqaarneqareertinnagit.

### **§ 10 Piginnittut peqatigiiffiat il.il.**

- 10.1 Qoornumi piginnittut peqatigiiffiat pilersinneqarsinnaavoq. Peqatigiiffiup pilersinneqarnisissaata qaqugu pinissaa kommunalbestyrelsip aalajangerlugulu maleruagassat akuerissavai.
- 10.2 Ataatsimoorussamik atortulersuutit ingerlanneqarnerat aserfallaatsaalineqarnerallu piginnittut peqatigiiffiata isumagisarsinnaavaa.

.....

**Akuerissutigineqarnera**

Taamaasilluni siunnersuut Nuup Kommunalbestyrelsiata akuersissutigaa ulloq 26. februar 2001.

Nuup Kommunea ulloq 11. februari 2002


sign.                      sign  
Agnete Davidsen / Kim Hvistendahl  
Borgmester        / All. Pisortaaneq


Kalaallit Nunaanni Naalakkersuisunit akuersissutigineqarpoq ulloq 20. decembari 2002


Ineqarnermut, Attaveqarnermut Pilersuiner-  
mullu Pisortaqarfik, Direktoratet for Boliger  
og Infrastruktur


sign.  
Ole Rendal

Tamanut nalunaarutigineqarpoq ulloq 22.  
januari 2003









- A: Nunaminertat namminerisanik illutalik
- C: Nunaminertat ataatsimoorussamik sanaartorfiit
- D1: Nunaminertaq sanaartorfigeqqusaanngitsoq
- D2: Timersornermut ullorsiornermullu atugassiaq
- D3: Asiartarfittut tupertarfittulu atugugassiaq
- D4: Nunaminertaq allanngutsaaliugassaq

■ ~~Byggesedler~~ Toqqaviit  
 □ ~~Byggesedler~~ Sannartorfissat



GRÖNLANDS TEKNISKE ORGANISATION Drektoratet				Funderingssekshonen	
Ser. Forundersøgelser nr. 1.2000		Bygdekontor		Godthab Teknisk afdeling Qarraq	
Forudsættelse Gd1 1963	Tegning Gd1 1963	Antal. F. stævninger	Signatur		
Forundersøgelserne ALN 1964	Tegning ALN 1964	Antal. F. stævninger	Signatur		

**Ilanngussaq 4, Nunaminertanik atuinissaq**  
**Qoornup nunataanut pilersaarut 1**  
**1:4000**  
**Maaji 2001**